

中國地方志集成

浙江府縣志輯⑥②

民國平陽縣志

江蘇古籍出版社 ● 上海書店 ● 巴蜀書社

封面設計 范一辛

責任編輯

盧建幸
王海浩

中國地方志集成
浙江府縣志輯 62

出版 上海書店

(上海福州路四〇一號)

印刷 上海市印刷七廠

發行 新華書店

上海發行所

定價 二八八元

1993年6月第1版 1993年6月第1次印刷
ISBN7-80569-873-2/K·168
沪新登字119号

敘

紀載鴻編國史方志是已魁儒碩士動色於茲同一書也出於眾手者似易而實難及其成也每病其雜出於一手者似難而實易及其成也始服其精作述之家知之諒矣近世修史開局分纂號曰官書自唐修晉書以後類然其視私家一人所撰無論上擬馬班陳范卽降而求如荀悅袁宏李延壽歐陽修李燾曾有追蹤而繼躅者乎然則官修不如私修眾手不如一手徵之故籍斷斷然也惟志亦然其通志禹域如括地志元和郡縣志太平寰宇記者無論矣其分志一隅大而潛說友之咸淳臨安志周應合之景定建康志范成大之吳郡志小而康海之武功縣志韓邦靖之朝邑縣志以逮近人章學誠之志和州亳州永清天門李兆洛之志鳳臺悉數之而難終何一不成於一人其閒雖不無借助他山而主

平陽縣志

卷首

敘

其要者必非分出審是則凡膺紀載之任者其所取法何去何從有不待畢其詞矣雖然其如勢有萬不能行於今日者何不獨難其人也又難其資也史非所論論郡縣志修志之資不出官款卽出地方公款或紳富豪捐修志之人不由官聘卽由公聘從未聞獨任其資者如是則不能不成於眾手者勢也亦理也有見諸者曰志之成於眾手而詳核雅潔可傳者雖未泛覽度亦不少卽如史家之通鑑豈非成自眾手何以懸日月而不刊乎則應之曰通鑑一書成者三人三人者誰劉放劉恕范祖禹是也其才學識皆並溫公且由溫公薦舉而後出此更由溫公攬其大綱二劉一范豈易求之後世二百九十三卷之巨集付之三人並不爲濫豈若後世史職總裁纂協纂每書必列數千百人哉人多職反不舉至有一人而占兩傳如元史者豈不怪哉且帝魏一事事

之大者劉恕以蜀擬東晉請紹正統溫公不從恕亦不固爭縱有同列三人竟如蔡邕之獨斷絕無僅有之事更豈能望之後來然則如之何而可曰必不得已以主者得人爲先變而通之雖官書也而以私書之法行之雖眾手也而以一手之制出之居其實而避其名分纂必聽命於總裁如是其庶幾乎此萬不得已之數也乃不期於今平陽縣志得之夫天下事無鉅細無一不日趨破壞不乘其敝而救之則其事非至於盡革不可然敝不極每不知革之不得其道又不始姑沿其舊之爲愈或沿或革之難協其宜治事然著書然此又從事史與志者之必兢兢焉出乎官修私修眾手一手規畫之外者平陽舊志爲乾隆戊寅年邑人張南英最後所纂書本簡陋又歲閱百六十餘年代遠事湮官斯邦者未遑念此而士紳營營每舉措意辛亥以後國體變史不有成書又獻

平陽縣志

卷首

敘

陸地乙卯之歲邑士王君子徵劉君次饒始議重修所訂如夏克庵周井慮鮑公素諸君皆一邦之彥設局於校士館議定而王君以正編纂推余與劉君任之其體例門類先已定於劉君及諸君劉君素服膺草實齋書又兼綜各家不暖妹一先生說以自膠柱與余持論多合又爲故訓導錢塘吳承志故戶部瑞安孫詒讓高足淵源有自學行並優所約諸君一皆沉澹故余絕無異同乃局甫開遽以公款爲人挪用暫行停辦告余於是謀食他方全局搖搖方謂頭白江青將如子元所言乃不意四三年後竟哀然刊成巨帙聞諸君皆累年不支脩脯而劉君尤始終不懈卒底於成於極艱窘危疑時以一身繫一邦百數十年文獻絕續之任其功顧不偉哉志凡五十九卷始輿地迄雜志爲門十六分併取捨詳劉君序綜而論之有四善焉一體例之善列學校爲專門併物產於

食貨倉儲糴運餉賸焉而鹽法別釐爲卷山水皆實敘或自源及委或自委窮源不規撫禹經班志如吳氏棄本之泥古一搜羅之善宋章懋劾韓侂胄疏國史失載義烏黃文獻潛政尾亦佚而得之白沙章氏譜中至有關係金石一門明以後題橋不與尚有二百一十一件之多拓本盈几岷巖廢冢豕蠟無遺一考據之善補正舊志者無論矣統志省府志有沿譌者隨條辨明孫氏溫州經籍志最稱精核糾其誤處不止一條浙江水陸道里記亦然其於歐乘補歐海軼聞歐海遺珠各書所援引皆嚴爲別擇不同書抄一敘述之善人物志各傳多合數人之家世行誼類從爲篇例本馬班篇末論斷語多激射援古刺今知縣黃梅一案分見各門炯戒昭然不嫌其複具此四善而歸於核實有用一革方志挂漏猥雜誣罔矜銜之體有議其大詳者不知方志爲國史粉本非詳不

平陽縣志

卷首

敘

三

可不聞國初未莽尊近代宋一新諸先生之言乎敢不求詳以簡陋爲臧拙乎其中沿革尙有應詳而不詳者非不欲詳也書闕檔失耳目所限欲詳不能即至近十年中尙有所遺此則事之無可如何局內之艱難語局外成書如此殆所謂化官爲私合衆爲一者即未知於潛周范諸志何如而揖讓於章李間非但無愧色已也使余弄翰自問萬不及此劉君以序見屬爲紀其始末梗概及管蠡之見且得挂名簡端爲深幸焉歲次壬戌子月西江符璋偉

史識於永嘉寓邸

序

周禮地官土訓掌道地圖以詔地事道地隱以辨其物而原其生以詔地求誦訓掌道方志以詔觀事掌道方隱以詔辭忌以知地俗此二職掌卽後世地志之權輿也夫欲制治其地而不識其形勢不辨其物生不諳其故事不悉其風俗雖欲治而未由余始來平陽卽訪求其志書則修自勝清乾隆時已百數十年矣其新者尙未畢槩乃不數月而劉君次饒以新志進見示且乞爲序余披閱之視前志增三之二卷首有宜黃符君序稱其書具有四善而歸於核實有用一革方志挂漏猥雜誣罔矜銜之敝其言誠善矣而余所取者以爲有合於周官之古誼一曰道地圖前志輿圖簡畧不紀方里今志採浙江水陸道里記爲藍本而河流山脈測驗加詳山水記載綱目且舉水利因革分鄉撰述古所稱山川能說

平陽縣志

沈序

者無逾於是是所謂詔地事也一曰道地隱夫辨物原生美惡俱紀不僅爲地隱也故尙書大傳云問其土地所生美珍怪異山川之所有無此卽其事今志之紀食貨於前志所載貢賦物產之外博稽詳攷鹽務爲一邑要政興革利弊具載顛末其他茶礬燒造酒菸糖絲之屬商稅所及莫不備紀而動植之爲人害者悉著錄焉所謂地隱非歟是所謂詔地求也一曰道方志鄭注說志爲所識久遠之事若魯有大庭氏之庫殺之二陵則今志之古蹟是矣然外史掌四方之志卽此方志鄭注謂若魯之春秋晉之乘楚之檇杭則卽爲國史矣今志所載典章文獻莫不賅具於是所謂詔觀事也一曰道方隱鄭注以方隱爲言語諱惡此指一端而言其實風俗美惡皆在所紀今志風土一門備詳禮俗而於惡俗之宜改革者尤反覆致意焉非所謂方隱歟是所謂知地俗也有此

四誼然後此書可以觀古可以通今可以臨民可以出政而眞爲核實有用之書矣劉君長於考據之學其引證諸書非惟統志及直省府州縣志多所糾正卽宋金元明諸史事稽其同異辨其謬闕者不一而足若夫體例之善其所發凡例及諸小序所言致多精審不僅如符序所云者劉君自言此書或譏爲詳古畧今此嘗言也志紀一方掌故非通古今何以爲志若如所言則今時綠營制廢武備一志可以盡刪矣然則宋明以來海陸防制何藉以攷乎今時祀典惟存文廟關岳而社壇以下皆廢秩祀一目可以不立矣然則民間神祀之俗何從而稽乎況今民國初立政制度更巨夕興廢卽分今古若一據今畧舊則朝筆夕削豈復成書且何從以稽沿革乎劉君又言今之修志者自清以前斷代爲書民國以後別撰新志以新舊政制每相懸絕適合爲一槩括爲難余謂

平陽縣志 沈序

此又不然歷朝制度每有異同辨異統同編纂者自可立例苟縣制不廢則前後時代自應通合成書若憚於制裁斷代紀述乃苟簡操觚而已非著書之正式也劉君又言新志稍繁將別約成一編雖不如朝邑武功之簡要而事增文減當視前志更少篇帙自憾精力不逮未能成書應俟後人爲之余謂縣邑之志未有數十年而不續修者其後人之識能突過前人則書勝於前若其識不逮則增刪而壞者亦有之矣劉君力能自爲則亟爲之如其不能則指授他人以爲之較之數十年後任人刪削失其作者相勝多矣此尤願爲劉君勸爲之也劉君同事有周君君夔夏君克庵鮑君公素聞其編纂之時嫌採訪之不詳扁舟載書具筆硯徧歷各鄉河流窮源竟委至於橋梁碑碣山巔水涯編摩推搨不憚勞悴其參攷諸書自瑞安孫氏玉海樓書藏外江浙各圖書館及閩

之涵芬樓書藏得徧觀而盡識之經費不繼則王君志激力任籌備諸君皆不支薪給續纂數年始得成書而剞劂滯淹克庵又致手民於家躬爲督率期年乃始藏事然則二三君子之於此書可謂專且勤矣今志成諸君皆老壽健在豈非鄉先哲之靈有以默相之乎後之讀是書者持吾所舉周官古誼以求之其裨益於政治匪淺又何古今繁簡之斷斷云中華民國十有五年三月知平陽縣事沈陳聚

平陽縣志 沈序

三

凡例

一 是編以乾隆志為底本而乾隆以前諸志均已遺逸凡志內所稱舊志皆乾隆志也雍正浙江通志乾隆溫州府志開有稱引約稱為省志府志

一 舊志分目皆依雍正省志今以政制變更不能不因時變通諸有改易具於分序中詳之

一 舊志首列縣境圖尺幅之中摘具梗概其南雁山圖錢倉北港併合不分他可知矣今採用浙江水陸道里記本境全圖延聘浙江陸軍測量局測繪生等七人覆檢重製雖未能處處密合而較之前圖相勝多矣

一 舊志山川僅載某山在某方某水在某處迨久而山川名改即茫然不可辨識茲依全縣山脈河流次第紀之雖地名或改而

平陽縣志

卷首

凡例

猶可按次以求且今昔異名正可從是考見第稿屬創始客有敘次疏舛之處踵事增詳是在後之作

一 舊志橋梁塘陸皆列舉某在某地本屬志家常例第恐地名變更有久而失其所在者茲將橋梁分隸各鄉河流之下塘陸分列各鄉水利之中則雖或名有變更仍可按圖而索且其興廢沿革原委瞭然更有裨於考鏡

一 歷代學校選舉之政制不限於一縣而志必詳備紀之以見當時之所稟承且使讀者不至沿流昧源重煩史籍之鈎攷他如古蹟之敕書樓宣詔頒春諸亭等皆關一代掌故不為引注出處後人直不知為何時物矣諸如此類幸勿議其辭費

一 舊志僅詳貢賦而不立食貨之目於一縣產殖不能詳紀未免曠缺且阜財為制治大原足民為撫庶要政宰制一邑而不悉

其地之所出將興利之謂何今志於此特詳以備稽考至其產數多寡猶舉大凡且歷年各有上下固不能為精密之調查矣一 舊志時變列於雜記今改為兵事移入武衛使與歷朝兵制相輔以資考鏡

一 風俗利弊講邑治者尤宜注意故於禮俗中紀載特詳

一 舊志職官現任不傳著官不書其陞轉尙登仕籍者亦不傳不書今惟現任不傳仍遵前例餘悉不從詳見分序

一 舊志人物分有理學名臣諸目今一削之惟以家世學行時類相從閱者可即是以驗文化之盛衰風俗之升降此所以為一邑志文獻非惟為一人紀事實也孟子以故家與遺俗流風並言具有宏旨地志之表章鄉哲義竊有取於此爾

一 舊志人物必歿後論定惟義行不在此例今唯節孝錄及生存

平陽縣志

卷首

凡例

而義行傳須身後蓋節孝久易湮沒而義行著者久亦必傳正不必汲汲錄入致蹈媚生之弊習也

一 鄉賢里居莫詳於東昆仰止錄惟開有沿訛失攷茲於可攷得者傳中一一著明俾後人得起桑梓之敬其無可攷者暫闕之一 舊志祠祀併入寺墓而仙釋列於人物今立神教一志神廟寺觀及仙釋列傳併合為篇所謂各從其類也墓祭本非古禮況古墓不皆列祀移入古蹟庶稍合耳

一 志書取材最須字字皆有來歷不能剽壁虛造故於援據諸書各注出處非惟明非肌撰且使後人得檢原書考訂得失第志稟屢經增刪注文上下移易不無訛誤之處覽者幸是正之一 志彙採取非止一書其有一事彼此互見異同之處舍短從長

略注其說於本文之下其或說較冗長恐占篇幅另作考異附

於志末

一是編纂輯已閱八年清稟付棗後續有所得不能增入者棗作補遺均於各卷之後

一志內均載詩文本為前志舊例惟採輯既夥一一編入志中未免累墜茲將志內所未載者另編文徵繫於本志之後藉資參考

一文徵分內外二編本邑人著作為內編外邑人著作為外編其編次之法文以分體為類從唐文粹宋文鑑諸書例也詩以分人為類從元詩選明詩綜諸書例也內編生存人著作不錄以杜徇濫之弊外編則稍從寬

平陽縣志

卷首

凡例

三

平陽縣志目錄

卷首

序 職務姓名 凡例

卷一

輿地志一 古星野 緯度 北極出地圖 晝夜時刻表 全縣地圖

及各分圖

卷二

輿地志二 沿革表

卷三

輿地志三 山川上

卷四

輿地志四 山川下

平陽縣志

卷首

目錄

卷五

建置志一 縣治坊巷表 舊鄉都表 今鄉都村莊表 疆里

卷六

建置志二 城池 廢城堡壘 公署 廢廳署館壩

卷七

建置志三 水利上

卷八

建置志四 水利下

卷九

學校志一 舊制 縣學

卷十

學校志二 舊制 書院 社學 義塾

卷十一 學校志三 新制

勸學所 教育局 各小學校

卷十二 食貨志一

田賦 外賦

卷十三 食貨志二

倉儲 糶運 蠲賑

卷十四 食貨志三

鹽法 商稅

卷十五 食貨志四

物產上

卷十六 食貨志五

物產下

平陽縣志

卷首 目錄

二

卷十七 武衛志一

歷代兵制 元明兵制沿革及營寨烽火等表
軍械 元明及塞寨口址等表
兵餉 馬政
軍械 軍械
教場等表 附哨巡海汛 海防備考

卷十八 武衛志二

巡簡 宋 巡檢司 明 清 警察 清 民國 兵事

卷十九 風土志一

氣候 民族 職業 士習 民風 歲時

卷二十 風土志二

禮俗 莠習

卷二十一 風土志三

善舉

卷二十二 職官志一

縣職 學職 武職 表元

卷二十三 職官志二

表明

卷二十四 職官志三

表清 民國

卷二十五 職官志四

明衛所員名表 清武弁員名表 警察員名表

卷二十六 職官志五

名宦列傳 縣職

卷二十七 職官志六

名宦列傳 學職 武俠 留籍

卷二十八 選舉志一

平陽縣志

卷首 目錄

三

表宋

卷二十九 選舉志二

表元 明

卷三十 選舉志三

表清

卷三十一 選舉志四

通籍廣記 學校畢業名表 高等以上 諮議局 省議會

卷三十二 人物志一

縣議會 教育會 商會 農會

卷三十三 人物志二

宋

卷三十四 人物志三

宋

卷三十五 人物志四

宋

卷三十六 人物志五

元

卷三十七 人物志六

明

卷三十八 人物志七

清

卷三十九 人物志八

清

平陽縣志 卷首 目錄

卷四十 人物志九

孝義 藝術 方技 堪

卷四十一 人物志十

外徙 流寓

卷四十二 人物志十一

列女

卷四十三 人物志十二

列女

卷四十四 人物志十三

列女

卷四十五 神教志一

神祀

卷四十六 神教志二

佛教 道教 基督教 寺觀 禮拜堂

卷四十七 神教志三

神蹟列傳 仙釋列傳

卷四十八 經籍志一

經史

卷四十九 經籍志二

子

卷五十 經籍志三

集

卷五十一 經籍志四

集 外編

平陽縣志 卷首 目錄

卷五十二 古蹟志一

名蹟 第宅上

卷五十三 古蹟志二

第宅下

卷五十四 古蹟志三

雜物 邱墓 坊表

卷五十五 金石志一

晉 齊 梁 後晉 宋 元

卷五十六 金石志二

明

卷五十七 金石志三

清 補遺附

卷五十八 襍事志一

耆壽 祥異

卷五十九 襍事志二

紀遺

卷六十

補遺 正誤

卷六十一

考異

卷六十二

考異

卷六十三 文內一

制詰 奏狀 諭誠 論說

平陽縣志

卷首

目錄

六

卷六十四 文內二

碑記

卷六十五 文內三

序 跋

卷六十六 文內四

贈序 書

卷六十七 文內五

墓誌銘

卷六十八 文內六

墓誌銘 傳狀

卷六十九 文內七

謚議 祭文 頌賦 祝文

卷七十 文內八

詩一

卷七十一 文內九

詩二

卷七十二 文內十

詩三

卷七十三 文內十一

詩四

卷七十四 文內十二

詩五

卷七十五 文內十三

詩六

平陽縣志

卷首

目錄

七

卷七十六 文內十四

詩七

卷七十七 文外一

制詰

卷七十八 文外二

奏狀 說

卷七十九 文外三

書

卷八十 文外四

碑記

卷八十一 文外五

碑記

卷八十二 文外六

碑記

卷八十三 文外七

序

卷八十四 文外八

序

卷八十五 文外九

題跋

卷八十六 文外十

贈序

卷八十七 文外十一

墓誌銘

平陽縣志

卷首 目錄

八

卷八十八 文外十二

墓誌銘

卷八十九 文外十三

墓誌銘

卷九十 文外十四

墓誌銘

卷九十一 文外十五

墓誌銘

卷九十二 文外十六

墓誌銘 塔銘

卷九十三 文外十七

傳狀

卷九十四 文外十八

哀祭 頌贊 銘 引 賦

卷九十五 文外十九

詩一

卷九十六 文外二十

詩二

卷九十七 文外二十一

詩三

卷九十八 文外二十二

詩四

重修平陽縣志跋

平陽縣志

卷首 目錄

九

邑志自清乾隆二十三年纂修至今百六十有八年矣不佞與
一三同志承乏斯役僶俛十年稿始稍定謹述顛末書其後曰
吾鄉前志修自中亭張先生距康熙志僅五十年又有弘治萬
曆順治諸志足資尋繹然已有文亡獻亡之歎今距前志又百
數十年人文衰息益甚曩時康熙以前諸志盡皆亡佚私家撰
述又無鉅著以供蒐討官書治牘日久殘闕陵谷以還散失尤
甚鄉哲如張潛齋葉箕林劉揚之楊葩園祝襄卿諸先生或綴
詠舊聞或校補前志或搜拾遺逸或紀載名勝零箋斷簡非無
可採顧以當百餘年之文獻則闕有閒矣同治初元邑嘗開局
踵修林少亮先生其事既以費絀中止諸稿盡散僅鈔存建
置風土貢賦防圍水利秩祀職官數卷循舊附益一二而已光
緒開邑令湯侯肇熙銳意志事適錢塘吳祔甫師以訓導來平
師故吾浙名宿眾請主修以平陽無藏書家瑞安孫氏假又不

易乃往杭州文淵閣歷覽半載歸益蒐遺訂墜積千餘年撰述
獻徵諸傳稿再四易卒未成書又哀鄉哲遺著及散見篇章輯
爲文徵迄亦未就惟成皇言紀一卷恩澤紀一卷地理志一卷
晚年病目手不能書稿遂中輟民國肇興政制驟革二三君子
皇然懼邑志之曠闕日久典章墮廢益難爲理二年項知事需
以禁煙罰錢羨餘詢眾擇所用僉以爲修志便乃舉王生志澄
主其事四年敦聘宜黃符笑拈先生爲總纂不佞副之鮑君拙
中周君幼康夏君克庵皆分任纂修全縣分設採訪十有四人
不佞與諸同事假館瑞安盡閱孫氏玉海樓藏書得孫琴西太
僕歐海軼聞永嘉集內外編及溫州府志選舉攷正職官補正
孫仲容師溫州經籍志諸書郝甫師歿乃從陳君筱垞盡檢得
其遺稿由是循兩家纂修之軌塗輒四關益從而參稽博攷左

平陽縣志

卷首

目錄

十

右逢原若啟局之有鑰航海之有杓也邑自公私譜牒政事文
牘撰述記載以及碑碣扁榜之類苟可以資參證既悉蒐羅而
備紀之復與克庵分往江浙各圖書館及閩甬芬樓借閱藏書
攷證疑滯各記所得以歸時笑拈先生已辭就滬上修書之聘
不佞等自各分門纂輯地理選舉古蹟諸志則克庵主之職官
及人物傳幼康主之金石拙中主之物產則屬余弟仲琳主之
測繪輿圖則浙江陸軍測繪生張霽齋等七人主之餘則不佞
自撰而於諸君所纂之稿時加參訂人物傳增易尤多傳論則
不佞所繫也志後附文徵內外編又以孫氏永嘉集爲底本詩
以如皋冒鶴亭先生永嘉詩傳爲底本皆稍增刪之採訪諸君
而外所常得郵示匡所不逮者如皋冒先生嘉興金甸丞瑞安
沈桐軒楊志齡同邑葉桐卿諸先生而笑拈先生則文徵詩編

所手定焉開局三載禁煙款用漸告罄陸知事維李爲請於
省長附徵印賦兩年爲修纂資不敷則志徵先備費以繼不佞
與克庵拙中自具筆札供役廣續七載始得竣事計成志六十
卷文徵三十六卷其攷異數卷別附於後此十年中不佞諸人
以生事之累不能無曠日之憾顧猶得以衰朽之年無用於世
優游以竟其業不可謂非幸事也書成視前志增三之二誠知
其繁蕪繁要然不佞論志竊有與前人異者昔人論志皆以史
例相況不佞則謂一國之史以史函志方隅之志以志函史蓋
志本史之一部地志又諸志之一部後人畫疆爲志拓而廣之
地輿而外職官選舉以及人物列傳悉納其中所謂以志函史
矣其尤有不同者史書斷代而不爲疆域之圍志書分疆而不
爲時代之限故史書職要而志書職詳史非要不能舉一國之

平陽縣志

卷首

目錄

十一

大志非詳不能賅一邑之由此所以同而異也萬李野氏不云
乎非不知簡之爲貴也先爲之檢使知吾所取者有可損而不
取者不可益也不佞此書其所不取而不可益者多矣而所取
之有可損則待乎後之人焉至於事蹟出處未敢一字臆撰即
有字句增損必依約原文審慎出之訂正改易必詳其由簡者
附之本篇繁者著於攷異務使後人曉然於去取得失要諦不
欺而已若夫知我罪我則在閱者之見仁見智非所敢知已甲
子孟春邑人劉紹寬謹識

職務姓名

發起人

姜會明 黃光 王鼎銘 游鳴鑾 馬廷駒

張 翹 宋存法 尤于岸 宋作霖兼採 陳黃明

項廷騏 葉志庚 王道 范 任 楊慕份

陳錫琛 陳鳳飛 吳拱宸 徐煥之兼採 陳彝訓

陳振洛 黃華三 施建中 陳承紱 黃守謙

蕭敬敷 周宏毅 陳鴻璣 林樹棠 鄭贊謨

范 平兼採 蔡 巽 鄭 愷

主任 王理孚

總纂

平陽縣志

職務姓名

符 璋 江西宜黃人

副纂

劉紹寬

分纂

周錫光 鮑銘書 夏紹侓 劉 整

測繪

張 翥 周鳴盛 黃炳墀 應廷光 楊毓蕃

吳振鏘 楊競光

校勘

蘇 侗

繕寫

鄭 曦 陳 犖 王敬孚 陳國賓

採訪

黃制雍 鄭 誼 方 洪 陳超宗 周烈光

王道恆 溫 讓 葉 蘅 張吳桑 徐斐然

謝 傑 方汝坤 李繩武 張漢傑 趙 璧

陳錫磨 屠技龍 陳一銓 曾桂芬 黃 瑾

施 焘 周錫超 王 煦 徐祖光 林 立

平陽縣志

職務姓名

輿地志一

郡縣志於目錄家屬地理志之本也其廣輪非圖不明其沿革非表不著舊圖不知準望諸法雖有如無今圖依浙江水陸道里記為藍本改正其河流山脈併加詳其村鎮諸名總圖分圖較為備晰其沿革總敘於前列表於後攷訂即附表中便於省覽星野古說理不可通網羅舊聞備攷而已舊度實測古疏今密然李兆洛胡林翼所製一統輿圖與張作栴揣籥小錄丁取忠輿地經緯度里表秒分未能密合邑人陳宗虞作平陽準望圖說定從丁張凡縣境日出口入早晚及節氣時刻分秒皆以是入算今即據為定準其敘山敘水說具別篇志輿地

星野古說

平陽縣志

輿地志一

平陽為溫南邑地本東甌在昔禹貢揚州之域春秋時為越地其分次屬星紀周禮春官保章氏鄭玄注星紀吳越也爾雅星紀斗三統曆星紀自斗十二度至婺女七度自後論越分野者或主斗或主牛或並主斗牛女三宿最後則以溫州屬斗為定論而度數各不同今姑以古說存之而類舉其說如下 越絕書越故治今大越山陰南斗也 漢書地理志吳地斗分野也今之會稽九江丹陽豫章廬江廣陵六安臨淮郡盡吳分也按此則溫州屬斗 晉書天文志會稽入牛一度 唐書天文志南斗在雲漢下流當淮海開為吳分牽牛去南河遠自豫章迄會稽南逾嶺微為越分按此則溫州屬牛 宋史天文志北方南斗六星第一主吳二會稽按此仍用 明史天文志大明清類天文分野台州溫州二府斗牛須女分 明一統志同按此牛女三宿入測 清一統志溫州斗分野星紀之次 舊浙江通志古測

溫州斗牛分野今測溫州斗六度雍正通志引 乾隆縣志同 內緯祕

言斗五度溫州府瑞安平陽泰順三縣入六分之八牛五度 斗二

十一度溫州府永嘉瑞安二縣入五分之七樂清平陽泰順入六

分之八雍正通志 藏書詳要東甌溫州府斗十四度五宮雍正通志

用斗宿入測而按此定

又有以東甌星為古者宋史天文志東甌五星翼南蠻夷星也天

文錄曰東甌東越也今永嘉郡永寧縣是也按晉書天文志翼南

五星曰東甌蠻夷星也青丘七星在軫東南蠻之國號也隋志東甌

同 唐書天文志逾嶺微而南為東甌青丘之分通志天文畧隋

丹元子步天歌五箇黑星翼下頭欲知名字是東甌注引張衡曰

主東越穿胸南越三夷據此則東越自指域外蠻夷而言非東甌

永嘉郡也祖暅天文錄始指為永嘉郡已非古說况清皇朝通志

平陽縣志 卷一 輿地志一 二

天文畧云步天歌有東甌五星今無則更不足論矣

暑度

極星經緯度分準近日新測經緯

京師北極出地高三十九度五十五分即京師天頂南距赤道度 平陽北極出

地高二十七度四十一分即平陽天頂南距赤道度 緯度較京師差十二度一

十四分北距京師鳥道二千四百四十六里六分準經度 經度距京

師中綫偏東四度十二分橫距鳥道七百四十三里斜距二千五

百五十六里九分三釐強 北距浙省鳥道五百二十里東偏浙省

鳥道百一十三里斜距鳥道五百三十二里一分強 縱橫斜距接

境七州縣 東距海邊鳥道一十八里 北距溫州永嘉 鳥道六

十三里三分強 西偏溫州鳥道二十五里斜距六十八里一分弱

北距瑞安鳥道二十三里三分三釐強 西偏瑞安鳥道一十四

